

# مجموعه ابو الخضر

ماسوا شائبه سندن دلی تطهیرہ پالاش  
بر تو حکمت و عرفان الہیہ تویرہ آتش

ہر ماہ عربی ابتدا سیلہ اون بشندہ نشر اول نور فنون مجموعہ سیدر .

جزو ۳۳ [ فی غرہ جاذی الاول سنہ ۱۳۰۰ ] نسخہ سی ۳ فروش

اولان حالار بزم کبی صحو و منام خاصیتنی حاز اولسون ! دیلم که  
بو بر خیالدر؛ فقط خال، اگر هندو ایسه ملک حبشه فصل پادشاه  
بولنیور؟ حبشی ایسه آدینه بچون (هندو) دینیور؟

بنده کز بورایه کادم کلدلی یک چوق غزته کورمدیکدن کره  
ارض اوزرنده حبشستانی هنده ویاخود هندی حبشستانه آتہ جق قدر  
بریسوک تبدل وقوعنی ایشیدمدم . فقط شوراسنی یقیناً بیلیرم که  
حبشستانه (کل) یک نادر ظهور ایدر؛ هله سنبل هیچ بو قدر حبش  
حکمدارلی ایسه اوله چیر چلاق یاز اقلر ایچنده یاتملز . ظن ایدرم که  
تودورک تیا روسنی پارسده برار کورمشیدک .  
( مابعدی کله یک نخنده )

### انتحار

( مابعد عن جزو ۳۲ )

۱۷۲۶ سنه سنده ریشار شمیت نام ذات انتحاریله هر کسی  
حیرته براقشدر . ریشار حقیقه بو فعلیه دوچار اولدیغی افتقار  
وذلت بدبختانه برنجده ویرمک ایسته مشدر . زیرا وقتیه زنکین ایکن  
بالاخره فقیر دوشمش ایدی . مقدمات صحت بدنه مالک ایکن مؤخرأ  
دوچار اولدیغی فقر وفاقه عافیتی دخی اخلاص ایش ایدی . برزوجه  
صابره می وار ایدی که آکا هراقشام فردا ایچون یأس و نومیدیدن  
بشقه نواله کتیره مز ایدی . نعم دنیویه دن بالکز کهواره فلا کتده  
معصومانه نالسا لریله ابویننه اظهار توجع ایدن برچو جوقدن بشقه  
شیلری قالماش ایدی .  
ریشار ایله زوجہ سی چکر پاره لینی برقاچ دفعیه اوبوب

قو قلا دق دین صکره قتل ایدرک خاتمہ مصیبت اولوق اوزره نهایت کند-  
یلرینی ده قاریولانک دیرکلرینه صلب ایشلردر .

اعتدال دمک بودرجه زده مدهش بر مثالنه هیچ بربرده تصادف  
ایدمامشدر . هله الک غریبی قبل الانتحار عوجه زاده لرینه یازدق لری  
مکتوبدر که بر قهره سی شودر :

« جناب حقک بو حرکتی عفو ایلیه جکنه امیدوار ومعتقدز .  
محروم منابع معیشت اولدیغیزدن بو عالم بر محنتی ترکه مجبور اولدق .  
چو جو غمگین دخی بزم کی بیچاره و بدبخت اوله بیلیمندن احترازاً  
بر صوک خدمت اولوق اوزره آنی دخی کندی ایملزه تلف  
ایلدک .

فقط شوراسی الک غریبدر که پدر و والده فرط مرحمت و شفقتلر-  
ندن طولانی محصول عمرلرینی تلف ایش اولدق لری حالده مکتوب  
سالف الذ کرده کوپکلرله کدی لرینی عوجه زاده لرینه امانت و کوزل  
باقمسی حقنده کنیدی سندن استدعای عاطفت ایشلردر . غالباً بر کوپک  
ایله بر کدی یه باقی دیاده بر چو جو غی اداره دن دهسا قولای اولدیغی  
ملاحظه ایله اقربالرینه بار اولوق ایسته مامشدر .

اوروپا غزته لرنده کثرتله تصادفله ایدیلان وقایع فاجعه خلقه  
انتحارک هر یردن زیاده انکترده حکم سوردیکی فکرینی و برمشدر .  
لکن بو خصوص انکلیز غزته لرینک محضاً حوادث عوام ایله زیاده جه  
اشتغال ایتلرندن نشأت ایلیور . یوقسه بلای انتحارک لوندرده ده  
اولدیغی قدر یارسیده دخی رایکان اولدیغنده و سائر بیوک شهرلرک  
جمله سیده بو علتله مصاب بولندیغنده شبهه یوقدر .

فقط شوراسی نتیجه نجارب اولوق اوزره فرط اعتدال ایله  
پسان ایده بیلیم که انتحار هیچ بروقت بر علت ساریه حکمی آلامز .

چونکه نفسنه سوء قصد ایچون رفع ید ایتش اولان بر آدمی نیتندن  
واز بکیرمک امرنده طبیعتک ایکی قوی سلاخی واردرکه بونلرده  
خوف و آمیددر.

شایان استغراب حالندن بریده محاربات داخلیده بولنان روما  
جزالارندن فرقه سی مغلوب اولانلرینک انحصار ایتملیدر. انکلتزه  
و فرانسه ده دخی پک چوق محاربات داخلیه کورلمش ایسه ده فرقه سی  
منهزم اولان رؤسادن هیچ بری انحصاره مبادرت ایتماشد.

انحصار مروجی اولانلر دیرلرکه (\*) « انسان برخانه دن اوصان دیغی  
زمان آنی ترک ایتکده دائماً حقلی در. » بوقوله پک اعلا! دیلم؛ لکن  
پک چوق کیسه لر واردرکه آچیقده یاتمقدن ایسه فنا برکلبه دروننده  
یاتغی ازهر جهت ترجیح ایدرلر.

برکون بر انکلیز دن بر تحرات عمومیه صورتی آلدیم که صاحب  
مکتوب انحصارک مصیب برشی اولدیغی اثبات ایدن کیسیده بر مکافه  
وعد ایلور ایدی. بن هیچ جواب ویرمدم. چونکه اثبات ایدیله جک  
برشی کوره مدم. بر انسان بونی اثباته مبادرتدن اول نفسندن حیات  
و مماندن هانکیسی سودیکنی سؤال ایتسی کفایت ایلر.

زمانده قورتنه پرنسلری سلاله سنک صوک نهالی اولان و پک  
مسن بولنان بر ذات انحصار ایلدیکی کبی لورن. هارقون پرنسلری  
سلاله سنک صوک اولادی اولان کنج بر پرنس دخی نفسنه سوء قصد  
ایتلشدر. فی الواقع بومثللو حالات و وقوعات شیوعنک ایلک کونلرنده  
قلوب و اذهانه دهشتلی بر صورتده تأثیر ایلر ایسه ده بر قاچ کون صکره

(\*) وولترک بوافاده دن مقصودی روسودر. زیرا حکیم مشار الیه انحصاری  
روییجا بر مکتوب نشر ایتلشدر. فقط او مکتوبه بر انکلیز لسانندن جواباً یازدیغی  
ردیده بنه بوفکری و طرفدارانی کندیسسی جرح و تقیح ایتلشدر.

متحرك متروكات ومخلفاتك بين الورثه تقسمي غاله سي چيقمقله اوتائر  
دخی اونودیلیر کیدر .

۱۷۷۰ سنه سنده وقوع بولان برانصار غریبی دخی حکایه  
ایدهلم :

حادثه لیون شهرنده وقوع بولشدر . لیونده هر کسجه معلوم  
ومعتبر کنج و ذکی وملاحه سیمایه مالک بردلی قانلی بر قزه علاقه  
ایلدیکی حالده قیرک ابوینی ازدواجلرینه موافقت ایتزل . قیرک  
ازدواجه استحصال مساعده ایچون ابوینی نزدنده کچن نیاز واستر .  
حاملری و اخافه وعدلری هب بوکی علاقه ماجرالزنده کوریلوب  
ایشیدیلان حاللرک عینی ایدی . اصل فاجعه مدهشه بوتشباتک ثمره دار  
اوله مامسی اوزرینه ظهوره کلدی :

عاشق بر غیرت مأیوسانه ایله طمرلندن بریسنی قطع ایدر .  
در حال جلب اولنان جراحلر قورتلوق محال اولدیغنی بیان ایدرلر .  
جراحلر چکیلوب کتد کدن صکره معشوقه مأیوسه اللرنده ایکی  
طبایحه اولدیغنی حالده او طه قیوسندن ایچری کیرر . شاید طبایحه  
لردن چیقه جق قورشونلر ایکی عاشق قلیربی دلهمیه جک اولور  
ایسه اوایشی نتیجه سز بر اقبه جق درجه لده تیر ایکی ده خنجر ارانه  
ایلر . صوک دفعه اوله رق پوسه وداعی تعاطی ایدرلر . قیر اوتجه  
طبایحه لک تکرینه برر قرمری شرید باغلامش اولمسندن قیرنی  
اولدیره جک اولان طبایحه لک تکنه مربوط اولان شریدی بیچاره  
عاشق النده طوتدیغنی کبی عاشقی افنا ایده جک طبایحه یه مربوط  
شریدی دخی قیر طوتیور ایدی . بناء علیه ویرمش اولدقلمری  
بر اشارت اوزرینه ایکسی بردن شریدلری چکهرک بر آنده میتا یه  
سرملشدر .

بویله برانکاره بر در جذه قدر حق ویریه بیلیر . زیرا برایشده  
ذهن معطل اولوبده قوه حاکمانه قلبه انتقال ایدنبجه بودرلو فاجع  
نیجدرک حدوثی ضرور یانددر . چونکه یورکله سونلر بئله دوشمنکه  
قادر اوله مزله و بناء علیه بئیهله دوشونانلرده هیچ بروقت نفسته سوء  
قصد ایله مزله .

ادیانک انتحار حقنده احکامی  
انسانی فعل انتحاره سوق ایدن انفعالات یک مختلفدر . بعض  
کیسهلر انتحار طریقله بوعالمدن چکلمکی کندیلرینه بر شرف اخیر  
عد ایدرلر .

بالاده ذکر ایتدیلمز روما مشاهیری یعنی قاطون ، قیصر ،  
آنتوان و اوکوست دوللو ایتماشلر ایشهده بو ایتمایشلرمی شجاعتلرینک  
فرانسز شجاعتندن دهها دون بولتمسندن طولای دکل ایدی .

دوق دومو غورانس و مارشال دوماریلاق و دوتووسنک . مارس  
نام ذاتلرک مقتله اعدام ایدلدکلمی معلومدر . عجبا ذوات مومی الهم  
مقتله سوق اولنمزدن اول انتحار صورتیه کندیلرینی تلف ایدوبده  
مقتله چیققی ناموسسزلغندن قوریتیه مزلمی ایدی ؟ خیر ! چونکه  
اوزمانده بوبولده تلف نفس فرانسهده ( مودا ) حکمی آلامش ایدی .  
حال بوکه بو ( مودا ) ( قاطون ) ایله ( برتوس ) ک وقتنده روماده  
موجود ایدی .

مالابار طرفلرده نسوان زوجلرینک نعشینی احراق ایتدکلمی  
آتش یعنی اوزرینه آتیلرلر . عجبا آنلرده کی جسارت قورنه لیسه  
یوقی ایدی ؟ وار ایدی ؛ فقط مالابارده زوجلرک زوجلرینک یاندیخی  
آتشه آنلرلی ترکی ناقابل برعادت ملیه در .

از او نیاده صاحب وقار و اعتبار بر ذات ینده کنیدیسی کبی  
 کباردن بری طرفندن دوچار حقارت اولدقدده در حال بلندده کی  
 خنجر ی چکه رک قارننه صابلا دقندن صگره حقارت ایدنه « ناموسلی  
 ایسه ک سنده بنی تقلید ایدرسک ! » خطایله رد تحقیر ایدر : بناء علیه  
 مخاطب اکر بوتکلیف حقارت آمیزه اعتبار ایتزده جاننه قییز ایسه  
 الی آخر العمر ناموس سمنز یشار .

انتحاری صراحة منع ایدن بر دین وارد که اوده دین اسلام در .  
 بوفعل قبیح قرآن کریمده نصوص قاطعه ایله منع اولمشدر .

[ وونقر ]

### کفارت لانه سی

ونه دیکده وقتیه دوزلرک یعنی حکومت رئیس لرینک اقامتگاه ی  
 اولان سرایک برکوشده سنده برلامبه کوریلور که اوچ یوز سنه مقدم  
 بر اتکجینک قطعاً ذیمدخل اولدیفی بر جنایتله اتهام وبالحا که اعدام  
 ایدلمش اولمسندن طولانی کفارت خطا ایچون یاقدر لمشدر .  
 بیکناه اتکجینک بر اماره ضعیفه ایله اعدافنه حکم ایدن حاکم  
 مذکور لانه ک علی الدوام یاقلمسی ایچون وقف طریقله شهره بر مبلغ  
 کلی ترک ایشلردر .  
 ونه دیکده اووقعه دن بری حالا بر حکم وبره جکاری صروده اخطار  
 خطا ایله حکامی تیقف واتباهه دعوت ایچون محکمه دن ایجری تپه دن  
 طرناغه قدر سیاهلر کیمش بر میاشمر کیره رک اعضایه « اتکجی بی  
 در خاطر ایدیکز ! » سوزیله خطاب ایدوب چیقار .